

# Messadi davart la revisiun parziale dalla lescha da taglia dalla vischnaunca Ilanz/Glion

Preziaz signur president dil parlament  
Stimadas parlamentarias, stimai parlamentaris

Il cussegli grond ha approbau ils 12 da fevrer 2019 la revisiun parziale dalla lescha cantunala da taglia (LT) e dalla lescha davart las taglias communalas e davart las taglias da baselgia (LTCTB). Cun quella revisiun vegnan las taglias sin ierta e donaziuns dil cantun e dallas vischnauncas unificadas, cunquei ch'il cantun mida dalla taglia sin il relasch sin la taglia sin la quota d'ierta. Quella midada ha per consequenza che la regulaziun legala per il cantun e las vischnauncas vegn prida si ella lescha cantunala da taglia e ch'igl incasso dalla taglia vegn delegaus all'administraziun cantunala da taglia. Consequentamein ston las vischnauncas adattar lur leschas communalas da taglia. La regenza ha mess en vigur la revisiun parziale dalla LT e la LTCTB per igl 1. da schaner 2021. L'administraziun da taglia ha elaborau ina lescha da sboz per las vischnauncas, sin la quala la lescha da taglia dalla vischnaunca Ilanz/Glion sebasa.

Las vischnauncas disponan aunc adina d'ina suveranitat da taglia e san decider, sch'ellas vulan incassar ina taglia sin ierta e donaziuns ni buca. Sche la vischnaunca incassescha la taglia sin ierta e donaziun, vegnan las determinaziun dil dretg cantunal applicadas e la vischnaunca fixescha sulettamein l'altezia dallas tariffas da taglia. Las tariffas da taglia actualas duein buca vegnir midadas.

Plinavon duei la formulaziun pertuccont las marcas da tgauns vegnir adattada alla nova pratica. Cunquei che tut ils tgauns ston tenor la lescha ed ordninaziun federala davart epidemias d'animals obligatoriamein esser marcai cun in microchip basegna ei negina marca da tgauns per la registraziun.

En connex cun l'analisa d'organisaziun ed ils potenzials da delegaziun fixai duei l'altezia dallas taglias ch'ein da scriver giu vegnir augmentada. Aschia vegnan ils cass ch'ein da presentar alla e da tractar entras la suprastanza communalala reduci.

## Explicaziuns tier ils artechels dalla lescha

Las midadas proponidas ella revisiun parziale dalla lescha da taglia dalla vischnaunca Ilanz/Glion arisguard la taglia sin ierta e donaziuns pertuccan ils artechels art. 1 al. 1 lit. f., art. 1 al. 2 lit. a., tetel 4., art. 6, art. 7, art. 8, art. 9 ed art. 10.

Cun la revisiun parziale dalla lescha da taglia duei la denominaziun dallas taglias specialas sut art. 1 al. 3 lit. a. e lit. b. vegnir adattada alla legislaziun speciala ch'ein vegnida vitier pli tard.

Medemamein vegn art. 14 al. 3 adattada, cunquei ch'ein vegn dau ora neginas marcas da tgauns pli. Dapi in temps disponan tut ils tgauns dad in microchip.

Art. 20 duei vegnir surluvraus muort l'analisa d'organisaziun (niev al. 1 e 2). La suprastanza communalala duei vegnir discargada partenent las amortisaziuns administrativas. Ei in attest da sperdita digl uffeci da stumadira avon maun, duei igl uffeci communal da taglia saver decider entochen ina summa da CHF 5'000.00 per cass singul (actualmein CHF 1'000.00). Cheu retracta ei tuttina d'ina decisiun formal, cunquei ch'in scret da perdita ei avon maun. La decisiun pertuccont damondas da relasch resta senza midada.

## Revisiun parziale dalla lescha da taglia

### **art. 1** La vischnaunca (midau)

<sup>1</sup>...

e. ina taglia sin immobiliaris;

f. ina taglia sin ierta e donaziuns.

<sup>2</sup> La vischnaunca incassescha las suandontas taglias tenor questa lescha:

a. ina taglia sin ierta e donaziuns;

b. a. ina taglia sin tgauns.

<sup>3</sup> Plinavon incassescha la vischnaunca las suandontas taglias tenor la legislaziun speciala:

a. ina taxa da hospis; (*commentari: romontsch negina midada*)

b. ina taxa turistica per la promozion dil turissem.

### **4. Taglia sin ierta e donaziuns** (*commentari: romontsch negina midada*)

#### **art. 6** Object e calculaziun (strihau)

<sup>4</sup> Mintga augment dalla facultad che la taglia cantunala sin ierta resp. sin donaziuns effectuescha suttastat alla taglia sin ierta e donaziuns.

<sup>2</sup> Las valetas da facultad che suttastattan alla taglia e la calculaziun dalla taglia sedrezzan tenor las prescripcziuns dil dretg cantunal.

<sup>3</sup> Sche l'assignaziun consista d'ina gudida ni d'ina prestaziun regulara ei la valeta capitalisada decisiva per la taglia.

#### **art. 7** Subject da taglia-(strihau)

Il retschevider dall'assignaziun ei suttamess allas taglias sche:

a. il testader resp. il donatur haveva domicil ella vischnaunca il mument da sia mort resp. il mument dil pagament dall'assignaziun; excepida ei quella part digl augment dalla facultad che secumpona da suloms che sesanflan buca sigl intschess da vischnaunca;

b. l'assignaziun secumpona da suloms sigl intschess da vischnaunca ni da dretgs reals;

c. el ha domicil ella vischnaunca il mument dall'assignaziun da premis e da duns da honur dil cantun.

#### **art. 8** Liberaziun subjectiva da taglia (strihau)

Liberai dalla taglia sin ierta e donaziuns ein:

a. il conjugal survivent;

b. il partenari registrau;

c. ils vegnentsuenter, ils figliasters ed affons nutri e lur vegnentsuenter;

d. las personas liberadas dalla taglia sin midada da possess tenor dretg cantunal;

e. il partenari da concubinat;

f. ils geniturs.

#### **art. 9** Calculaziun dalla taglia (midau)

<sup>4</sup> Per la calculaziun dalla taglia vegnan deduci:

a. dallas assignaziuns a personas basignusas 14 000 francs;

b. da tut las otras assignaziuns 7000 francs.

<sup>2</sup> Ils imports fixai en al. 1 ein indexai.

<sup>3</sup> En cass d'ina obligaziun parziale da pagar taglia vegnan las deducziuns concedidas proporzialmein.

<sup>4</sup> En cass da pliras assignaziuns al medem retschevider entras la medema persuna sa igl import ch'ei libers da taglia vegnir fatgs valer mo inagada enteifer ina perioða da tschun onns.

<sup>5</sup> La taglia sin ierta e donaziuns importa:

- a. per la lingia dils geniturs 3 pertschien;
- b. per las ulteriuras persunas beneficiadas 15 pertschien.

#### **art. 10 Incassament e responsabladad (strihau)**

<sup>6</sup> La taglia d'ierta sto vegnir pagada ord l'ierta avon sia repartiziun e vegn incassada en inagada per tut ils artavels e legataris.

<sup>7</sup> Plirs retscheviders dad assignaziuns stattan solidarmein buns per la taglia tochen agl import da lur enrihament.

<sup>8</sup> Igl administratur dall'ierta numnaus ufficialmein ni convocaus dils artavels ed igl executur dil testament stattan buns solidarmein tochen agl import net dall'ierta.

#### **art. 14 al. 3 (midau)**

<sup>9</sup> La taglia sto vegnir pagada annualmein cun retrer la marca da tgauns.

#### **art. 20 (midau)**

<sup>10</sup> Davart damondas da relasch ed amortisaziuns administrativas decidan:

- a. igl uffeci da taglia communal tochen ad in import da 1'000 francs ad onn;
- b. la suprastanza communal per imports che survargan quella summa.

<sup>11</sup> Davart amortisaziuns administrativas decidan:

- a. igl uffeci da taglia communal tochen ad in import da 5'000 francs ad onn;
- b. la suprastanza communal per imports che survargan quella summa.

Tenor art. 35 lit. a dalla constituziun communal ei il parlament communal responsabels per midadas da leschas. Il referendum facultativ tenor art. 32 al. 1 lit. a resta resalvaus. Tenor art. 26 al. 3 LTCTB ein leschas communalas da taglia e lur revisiuns suenter d'approbar dalla Regenza cun effect constitutiv.

## Propostas

Muort las explicaziuns precedentas fa la suprastanza communal suandontas propostas al parlament communal:

- d'entrar ella fatschenta;
- da deliberar la revisiun parziala dalla lescha da taglia dalla vischunaanca Illanz/Glion.